

Headlines

1. उपराज्यपाल मनोज सिन्हा होरें बीरवाह च शहीद हेड कांस्टेबल आशिक हुसैन कुरैशी हुंदे परौआर कन्नै मिलियै शहीद पुलस कर्मी गी श्रद्धांजलि अर्पित कीती।
2. जम्मू-कश्मीर सरकार 6 महीने दे अंदर पर्यावरण दे मुआफक सैलसफा नीति गी मुकदा रूप देई देगा।
3. केंद्र सरकार नै आखेआ ऐ जे जम्मू जिले च 66 फीसद कोला परौआरें गी नलके आहले पानी दे कनेक्शन हासल होई गेदे न।
4. केंद्र सरकार नै आखेआ जे जम्मू-कश्मीर च 720 किलोमीटर लम्मी राश्ट्री जरनैली शिड़कें आहली 38 परियोजनाएं जेरे तामीर न ते पिछले 3 बरें च 389 किलोमीटर दी लम्बाई आहली 22 परियोजनाएं गी सबूरा कीता गेआ ऐ।
5. मौसम विभाग नै जम्मू-कश्मीर च कल्लै थमां अब्बे-दुब्बे तौर पर बदल छाए दे रौहने ते 28 जुलाई थमां परतियै बरखा दी भविष्यवाणी कीती ऐ। जम्मू-श्रीनगर राश्ट्री जरनैली शिड़क गड्डियें दी आओजाई लेई बंद ऐ।

<><><><><><>

LG-Martyrs Family

उपराज्यपाल मनोज सिन्हा होरें अज्ज बडगाम जिले दे बीरवाह च लालपोरा जाइयै जम्मू-कश्मीर पुलसा दे शहीद हैड कांस्टेबल आशिक हुसैन कुरैशी हुंदे परौआर दे सदस्य कन्नै मलाटी कीती। इस मौके पर उनें शहीद पुलसकर्मी गी श्रद्धांजलि दिंदे होई उंदे परौआर गी राश्ट्र दे मजबूत ते अनवृट्ट समर्थन दा भरोसा दित्ता। सोशल मीडिया पर सांझी कीती गेदी इक पोस्ट च एल.जी होरें आखेआ जे उनें ऊटी दरान सर्वोच्च बलिदान देने आले शहीद पुलसकर्मी दे प्रति सम्मान ते इकजुटता दर्शाने लेई उंदे परौआर कन्नै मलाटी कीती ऐ। एल.जी होरें आखेआ जे उंदी दलेरी ते बलिदान सदा गै साढा सैलसफा बधांदा रौहग। उनें आखेआ जे राश्ट्र सदा गै शहीद आशिक हुसैन होरें गी सलाम करदे होई उंदे परौआर कन्नै खडोते दा रौहग।

<><><><><><>

CEO-Tourism Policy

जम्मू-कश्मीर सरकार पर्यावरण मुआफक सैलसफा सरबन्धी नीति पर कम्म करा'रदी ऐ जेहदी मेद कीती जा'रदी ऐ जे 6 महीने दे अंदर-अंदर तैयार होई जाहग ते अधिकारिक तौरा पर अधिसूचित करी दिती जाहग। आकाशवाणी दे जम्मू संवाददाता नै जानकारी दिती ऐ जे सैलसफा विभाग पर्यावरण मुआफक सैलसफा सरबन्धी नीति गी तैयार करने च सक्रियता कन्नै लग्गे दा ऐ जेहदा मकसद कुदरती संसाधनें दी राखी हिफाजत लेई इक पूरी पराती योजना तैयार करना, पर्यावरण साब्वै संवेदनशील खेत्तरें दा टिकाऊ इस्तेमाल यकीनी बनाना, मकामी समुदाय दी शमूलियत गी बढ़ावा देना ते उन्दे लेई कम्म-रोजगार दे मौके उपलब्ध करोआना ऐ। सैलसफा मैहकमे नै विधानसभा सचिवालय गी जानकारी दिती ऐ जे ओहू इस नीति दा मसौदा तैयार करने लेई सक्रियता कन्नै कम्म करा'रदा ऐ।

<><><><><><>

JK-Tap Water

केंद्र सरकार नै संसद च एहू जानकारी दिती ऐ जे जल जीवन मिशन दे तैहत जम्मू जिले च 66 इशारिया 7-1 फीसद ग्रामीण परौआरें गी नलके आहले पानी दे कनेक्शन उपलब्ध करोआए गए न। जानकारी च इब्बी दस्सेआ गेआ ऐ जे अगस्त 2019 च एहू योजना शुरू होने दे बाद थमां 77 जहार शा मते नमें कनेक्शन जोड़े गए न। आकाशवाणी जम्मू दे संवाददाता दी रिपोर्ट मूजब लोकसभा च इक सोआलै दा परता दिंदे होई जल शक्ति विभाग दे राज्यमंत्री वी. सोमन्ना होरें आखेआ जे अगस्त 2019 च जल जीवन मिशन दी शुरूआत दे बेल्लै जम्मू जिले च 1 लख 89 जहार ग्रामीण परौआरें चा छड़े 49 जहार यानि 25

अशारिया 7-9 परौआरें गी गै नलके आहले पानी दे कनेक्शन थोए दे हे। उनें दस्सेआ जे 15 जुलाई 2026 धोड़ी 1 लक्ख 26 जहार ग्रामीण परौआरें गी एह कनेक्शन हासल होई गेदे न ते इंदी गिनतरी बधियै हून 66 इशारिया 7-1 फीसद होई गेदी ऐ।

<><><><><><>

Sanitation Warrior Udh.

लगातार बरखा करी पानी किट्टा होने ते बमारियें दे फैलने दी शेंका दे चलदे उधमपुर च सफाई कर्मचारी शैहरें गी साफ-सुथरा बनाई रखने लेई लगातार कम्म करा'रदे न। भारी बरखें दे बावजूद एह कर्मी नालें गी साफ करा'रदे न ते इस गल्लै गी यकीनी बना'रदे न जे रिहायशी इलाकें ते बजारें च कूड़ा जमा नेई होऐ। बरसांत दे मौसम च पानी किट्टा होने करी होने आहली बमारियां जिआं जे डेंगू, मलेरिया, दस्त वगैरा गी फैलने थमां रोकने च उंदा कम्म महत्वपूर्ण ऐ। आकाशवाणी समाचार कन्नै गल्ल करदे होई नगर परिषद उधमपुर दे सी.ई.ओ सद्दाम हुसैन होरें आखेआ जिसलै के इक सफा कर्मी केवल कुमार ते इक दुकानदार अरुण गुप्ता हुं'दा आखना हा

<><><><><><>

Prog. Announcement

आकाशवाणी दे प्रादेशिक समाचर एकांश जम्मू आसेया “करगिल विजय दिवस” दे सरबंध्यै च- औंदे ऐतवारें 30एं मिन्टे दा इक विशेष कार्यक्रम प्रसारित कीता जाग- जेदा विषे होग- “नमन ते सम्मान”. 26 जुलाई गी दपैहरी ढाई बजे प्रसारित होने आहले इस कार्यक्रम च स्टाडे परोहने होगन- भारती सेना दे पूर्व कर्नल आर.के शर्मा- जेहडे इस विशे पर अपने माहिराना विचार सांझे करगन। इस कार्यक्रम दी मेजबानी साहड़ी न्यूज एंकर श्रुति खजूरिया आसेया कीती जाग।

<><><><><><>

JK- NHWs

शिड़क, ट्रांसपोर्ट ते जरनैली शिड़कें सरबंध्यै केंद्री मंत्रालय नै संसद गी दस्सेआ ऐ जे 720 किलोमीटर लम्मी राश्ट्री जरनैली शिड़कें आहली कुल 38 परियोजनां जम्मू-कश्मीर च मौजूदा समें च जेरे तामीर न जिसलै के पिच्छले 3 बरें दरान 389 किलोमीटर लम्माई आहली 22 राश्ट्री जरनैली शिड़क योजनाएं गी सबूरा करी लैता गेआ ऐ। लोकसभा च पुच्छे गेदे इक सोआलै दा परता दिंदे होई शिड़क, ट्रांसपोर्ट ते जरनैली शिड़कें सरबंध्यै केंद्री मंत्री नितिन गडकरी होरें दस्सेआ जे भारत माला परियोजना दे पैहले चरण दे तैहत जम्मू-कश्मीर च कुल 433 किलोमीटर लम्मी जरनैली शिड़कें दे निर्माण दी योजना बनाई गेदी ऐ।

<><><><><><>

Shaktimimansa-Symposium

चार रोजा राश्ट्री संगोष्ठी शक्तिमिमांसा जेहदा विशेषार ऐ-51 शक्तिपीठ भारती विरासत दे अध्यात्मिक स्तम्भ अज्ज श्री माता वैष्णो देवी यूनिवर्सिटी कटड़ा च सम्पन्न होआ। इस संगोष्ठी दा आयोजन केंद्री संस्कृत यूनिवर्सिटी ते श्री माता वैष्णो देवी श्राइन बोर्ड आसेआ सांझे तौरा पर कीता गेदा हा जेदे च विद्वानें, शिक्षाविदें ते माहिरें किट्टे रलियै शक्तिपीठें दे अध्यात्मिक, दार्शनिक ते सांस्कृतिक महत्व दे कन्नोकन्नी भारत दी प्राचीन विरासत बारै चर्चा कीती। समापन समारोह च हिमाचल प्रदेश दे गवर्नर कविंद्र गुप्ता होरें मुख् परौहने दे तौरा पर शिरकत कीती। इस कार्यक्रम च भारत दी सगोसार संस्कृति ते विरसे गी संरक्षित करने ते इसी बढावा देने दी जरूरत पर जोर दिता गेआ। पत्रकारें कन्नै गल्ल करदे होई हिमाचल प्रदेश दे गवर्नर कविंद्र गुप्ता होरें आखेआ

<><><><><><>

DALSA Help Desks

हाल च आए दे हाड़ें थमां प्रभावित परौआरें दी मदद लेई पुंछ च जिला कनूनी सेवा प्राधिकरण नै दो समर्पित हेल्प डेस्क कायम कीते न। एह हेल्प डेस्क हाड़ें थमां प्रभावित लोकें गी कनूनी मदाद ते सलाह, कागजी कार्रवाई ते राहत ते पुनर्वास सरबंध्यै बक्ख-बक्ख सरकारी स्कीमें बारै अवगत कराने लेई उंदा मार्गदर्शन करा'रदे न। प्राधिकरण दे नुमाइंदे हेल्प डेस्क पर तैनात न तां जे फौरी मदद कीती जाई सकै ते एह यकीनी बनाया जाई सकै जे परौआरें गी लोड़चदी मदद थोई सकै। जिला कनूनी सेवा

प्राधिकरण पुंछ दे सब जज ते सेक्रेटरी रफाकत हुसैन होरें आखेआ जे प्राधिकरण इस मुश्कल समें दरान प्रभावितें दी मदद लेई पूरी चाल्ली बचनबद्ध ऐ। उनें आखेआ

<><><><><><>

Weather

जम्मू खित्ते दे कई इलाकें च अज्ज उप्परोतली त्रीए ध्याड़े बी भारी बरखा बरी। माड़े मौसमी हालात ते केई थाहें पर ल्हास-पस्सियां पौने दे चलदे जम्मू-श्रीनगर राश्ट्री जरनैली शिड़क गड्डियें दी आओजाई लेई अज्ज बंद रेई। मौसम विभाग नै कल्लै थमां 27 जुलाई धोड़ी अद्दे-दुब्बे तौरा पर बहल छाए दे रौहने ते प्रदेश दिएं टामीं-टामीं थाहें पर हल्की बरखा बरने दी पेशनगोई कीती ऐ। एहदे परैंत 28 थमां 30 जुलाई धोड़ी परतियै बरखा बरने दे इमकान दस्से गे न। प्रशासन नै लोकें गी सलाह दिती ऐ जे ओह सौहगे-सतर्क रौहन। होर मती जानकारी कन्नै मौसम विभाग दे डरैक्टर मुख्तार अहमद

<><><><><><>